

**Uunga siunnersuut: Qalerallit akitsuutaat aamma aalisakkat ikerinnarsiortut ilaasa
Tunumi aalisarnermi pisarineqartut akitsuutaat pillugit Inatsisartut inatsisaata
allanngortinneqarneranik Inatsisartut inatsisaat**

(Aningaasaqarnermut Aatsitassanullu Naalakkersuisoq)

Akissuteqaat

(Aningaasaqarnermut Aatsitassanullu Naalakkersuisoq)

Aappassaanneerpeqarnera

Naalakkersuisut sinnerlugit Aningaasaqarnermut Akileraartarnermullu Ataatsimiititaliaq inatsisissatut siunnersuutip suliarineqarnerannut atatillugu sukumiisumik sulisimaneranut qutsavigissavara.

Naalakkersuisut maluginiarpaat inatsisissatut siunnersuut ataatsimiititaliami ilaasortanit amerlanerussuteqartunit tapersorsorneqartoq.

Tusarniaanissamut piffissarititaasup sivikippallaarneranik ataatsimiititaliap isornartorsiutaa Naalakkersuisut tusaatissatut tiguaat, akileraartarnermut akitsuusiisarnermullu tunngatillugulu siunissami tusarniaasarnissani sivisunerusunik piffissaqartitsisalernissaq sulissutiginiarlugu.

Aalisakkanit pisuussutitta akitsuuserneqartalernissaanut misissueqqissaarnerit Naalakkersuisut aallartissimavaat. Misissueqqissaarneq ilaatigut paasisat aalisarnermi isumalluutunut akitsuummumut inatsisissap tamarmiusup ilusissaata aalajangernissaanut tunngavigineqassaaq. Tassunga tunngatillugu inatsisissatut siunnersuutip qaqugu Inatsisartunut saqqummiunneqarsinnaanissaa suli isummerfigineqanngilaq.

Ileqqorissaarnissarli eqqarsaatigalugu erseqqissaatigissavara, nunatsinni ikerinnarsiortunik aalisarneq annertuseriarsimammat sulilu annertusiartorluni. Kalaallit aalisariutaasa ikerinnarsiortunik aalisarsinnaanissamut ukiut arlallit atorlugit ikaarsaariartortariaqarnerat pissusissamisuginnarpoq. Kalaallit ikerinnarsiortunik aalisartut nunatsinnilu suliffissaqartitsiniarneq eqqarsaatigerpiarlugit nunat allamiut aalisariutaasa annertunerusumik akitsuutunik akiliisinneqartarnissaat UKA 2015-imi aalajangiunneqarpoq.

Naalakkersuisut aalisartitseqatigiiffinnik allanillu susassaqartunik ”qoqassiillutik” isumaqatiginninniartuusaarsimasutut ingerlatsisimanerarneqarnerat isumaqataaffiginngilara. Inatsisissatut siunnersuutip suliarineqalinnginnerani Kalaallit Nunaanni Inuussutissarsiortut inatsisissatut siunnersuummi unammilligassat pillugit ammasumik torersumillu oqaloqatigineqartarsimapput. Isummat Kalaallit Nunaanni Inuussutissarsiortuinit saqqummiunneqartut inatsisissatut siunnersuutip imarisavianut sunniuteqarsimaqaat.

Taamatut oqaaseqarlunga Naalakkersuisut sinnerlugit siunnersuut Inatsisartunut suliassanngortippara.